

## Paerewa Paetae

<b>Aronga</b>	Hangarau 2.4		
<b>Ingoa</b>	Te whakaputa i tētahi hua hangarau rorohiko hei whakaea i tētahi take hangarau motuhake		
<b>Kaupae</b>	2	<b>Whiwhinga</b>	6
<b>Aromatawai</b>	Ā-roto		
<b>Marau akoranga</b>	Te Marautanga o Aotearoa		
<b>Kokonga akoranga</b>	Hangarau		
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2018	<b>Te rā i puta ai</b>	8 Hakihea 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa* i whakaputaina e Te Pou Taki Kōrero, 2008.

### Whāinga Paetae

*Te Whakaharatau Hangarau*

6 *Ka kōwhiri i ngā whakatakotoranga kia tika ai te otinga.*

7 *Ka whakatairanga, ka parahau i ngā otinga i runga anō i te āhua o te hiahia, o te urupare a te kiritaki, a te hapori whānui hoki.*

E hono ana ki te Papa Whakaako mō te Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakaputa i tētahi hua hangarau rorohiko hei whakaea i tētahi take hangarau motuhake.</p>	<p>Hei tohu i te paetae:</p> <ul style="list-style-type: none"> <li>• Ka puta tētahi hua hangarau rorohiko.</li> <li>• Ka whakaea i tētahi take hangarau motuhake i runga i tā te tauāki i tohu ai.</li> </ul>
<p><b>Kaiaka</b> He kaiaka te whakaputa i tētahi hua hangarau rorohiko hei whakaea i tētahi take hangarau motuhake.</p>	<p>Hei tohu i te kaiaka:</p> <ul style="list-style-type: none"> <li>• Ka whaitake te hua hangarau rorohiko, arā ka kitea ētahi wāhanga o te kounga o te hua hangarau rorohiko ka puta.</li> </ul>
<p><b>Kairangi</b> He kairangi te whakaputa i tētahi hua hangarau rorohiko hei whakaea i tētahi take hangarau motuhake.</p>	<p>Hei tohu i te kairangi:</p> <ul style="list-style-type: none"> <li>• Ka hāngai pū te hua hangarau rorohiko ki te tauāki, arā: <ul style="list-style-type: none"> <li>- ka arotake i ngā āhuratanga me whakarerekē, me whakatikatika, me whakahou rānei.</li> <li>- ka kitea te kounga o te hua hangarau rorohiko ka puta.</li> </ul> </li> <li>• Ka whakaaturia he wairua auaha i roto i te whakaputanga o te hua hangarau rorohiko.</li> </ul>

**Kōrero Āpiti**

1 E whai ake nei ngā whakamārama o ngā tino kupu, kīanga rānei:

whakaea	He kimi rongoā, he kimi ahunga whakamua, he kimi hua rānei e tutuki ai, e mārama ai rānei te take.
hāngai	E tōtika ana mō ngā āhuratanga e hiahiatia ana e te tangata, ā-hanga, ā-karu, ā-aha kē atu rānei.
hua hangarau rorohiko	E whakaarohia ana ngā mea pēnei i: <ul style="list-style-type: none"> <li>• te pūmanawa rorohiko</li> <li>• te pae ipurangi</li> <li>• te whitiata/kiriata</li> <li>• te pātengi raraunga</li> <li>• te ripanga.</li> </ul>

tauāki	He pitopito kōrero whānui tonu mō tētahi hua hangarau. E rua ōna wāhanga: ko te ariā tērā e kōrerohia ai tōna āhua, te pēhea o tana mahi, me te take e mahia mai ai; ko ngā aratohu/tohutohu hoki tērā ka waiho hei ārahi i te ringa hangarau i roto i te whakaputanga o te hua hangarau, otirā hei arotake i te hāngai me te whaitake o taua hangarau ki te take i whakaputaina ai.
take hangarau motuhake	He take hangarau e whai pānga ana ki te hapori, i tohungia rānei e te ākongā i runga i tana kite i te hira o te take ki te hapori.

- 2 Koia nei ētahi momo horopaki e pai ana mō tēnei paerewa:
- Te Iron Māori (Tangata Maitai/Rangatahi Rino/Wiki Hākinakina)
  - Te mahi hāngī i te tāone
  - Te (whakamahinga o te) muka i roto i ngā mahi hangahanga
  - Te waka ama
  - Te hanga wharau
  - Te whakarite hui
  - Te tuhi pūmanawa rorohiko māmā.
- 3 Me takoto mai te take hangarau motuhake i roto i tētahi tauāki ka tohungia e te kaiako, e te ākongā rānei. Mā te kaiako anō e whakatau mēnā e pai ana te tauāki hei kawē i tēnei aromatawai.

---

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233